



**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

§. II. Qua intentione, & mentis præparatione ad statum Clericalem
accedere oporteat?

[urn:nbn:de:hbz:466:1-63800](#)

§. II.

Qua intentione, & mentis præparatione ad statum Clericalem accedere oporteat?

SUMMARIUM.

15. *Ad SS. Ordines adspiranti prius exploranda est Divina voluntas.* 16. *Quæ se-tribus indicis manifestat, conscientie nempe puritate, intentionis rectitudine, & zelo animarum.* 17. 18. 19. *Explicantur singulatim hac indicia.* 20. 21. 22. 23. *Resolvuntur dubia, que circa rectitudinem Conscientiae moveri solent.*

Ad statum Clericalem accedere volunti ante omnia exploranda est Divina voluntas, num scilicet à DEO ad hunc statum vocatus, & electus sit, nec ne? inconfusito enim animi impetu se vitæ Clericali addicere, non tam levitatis, & imprudentiæ nota, quam summæ temeritatis argumentum est. Audiatur S. Bernardus *Traçat. de vit. & morib. Cleric. cap. 5.* *Sponsa nec cubiculum, nec cellam ingredi, nisi rege introducente præsumit, tu irreverenter irruis, nec vocatus nec introductus.* *Confidemus ergo & nos, an vocati venerimus, & vocati à DEO, cuius nimirum hæc vocatio est.* Vis, demonstrem hoc SS. Scriptura testimonis? *Joan. 15.* his verbis Christus alloquitur suos discipulos: *Non vos me elegistis, sed ego elegi vos.* Non ergo discipuli muneri Apostolico obeundo seipso obtrudere, sed ut specialiter à Christo vocati, illud suscepunt. Audiatur etiam Apostolus *ad Hebreos 5.* ubi eos quasi Sacrilegii reos pronuntiat, qui, non explorata Divina voluntate, sua unius electione Sacerdotium sibi sumunt: *Nec quisquam (ait) sumit sibi honorem, sed qui vocatur à DEO, tanquam Aaron.* Et meritò: etenim vita Clericalis res adeo sancta est, ut nemo aliis præter DEUM in eam jus ha-

beat. Audi etiam querelas Domini, quas apud Oscam *cap. 8.* super illos effundit, qui non vocati Ecclesiasticis muneribus se ultrò ingerunt. *Ipsi regnaverunt, & non ex me, Principes extiterunt, & ego non vocavi eos.* Accedit etiam ratio, quod, cum Clerici ad Divina Mysteria tractanda, & ad animarum lucra paranda specialibus virtutis, & literaturæ adjumentis opus habeant (ne quid dicam de lege cœlibatū, quo Clerici tenentur) hæc autem sine specialibus auxiliis DEI non obtineantur, manifestum est, quod ejusmodi Ecclesiastica ministeria ex solius DEI vocantis nutu, & imperio suscipi debeat.

Forte petis: unde sciam, me esse 16 vocatum ad statum Clericalem? Respondeo, tribus se potissimum indicis prodere internam Spiritus S. ad sacros Ordines vocationem. I. Conscientiæ puritate. II. Intentionis rectitudine. III. Magno fervore, & zelo subeundi labores pro salute animarum. Quod 17 primum attinet indicium, ea Conscientiæ puritate nitat, ad Clericatum adspirans, ut noxæ gravioris reatum nesciat, quoniam in malevolam animam non introibit Sapientia (id est, DEI Gratia) nec habitabit in corpore subditio peccatis. *Sap. 1. v. 5.* Unde audiendus est Gre-

F

go-

gorius M. qui instituta paritate inter via
tia animæ, & defectus corporis, qui
olim à Sacerdotio arcebant Judæos, ita
loquitur in *Lib. Pastor. cap. 10.* *Quisquis*
ergo quolibet horum vitio subigitur, panes
Domino offerre prohibetur, ne profecto di-
luere aliena delicta non valeatis, quem ad-
buc propria devastant. Sed de hoc ar-
gumento adhuc aliqua dicentur in
§. seq.

18 Alterum vocationis Divinæ indi-
cium diximus esse, intentionis rectitudi-
nem. Et merito: qui enim per Clericatū
officium aliud querit, quam DEUM, nec à
DEO electus est, nec DEUM elegit. Ait
Ivo Carnotensis *Serm. de excell. Sacram.*
Ordin. Debet ergo vita Clericali ini-
tiandus ita animo esse comparatus, ut
ad SS. Ordines, vel ad beneficia non
temporalis commodi gratia, sed lucri
spiritualis, & opimæ animarum mes-
sis colligendæ intuitu promoveri velit.
Beneficia enim non dantur propter
commoda ipsius beneficiati propria-,
sed propter officia in bonum Ecclesiæ
impensa. *cap. fin. de Rescript. in 6. l. 52.*
§. 1. C. de Episc. & Cleric. Hinc Patres
Tridentini Concilii *Seff. 23. de Reform.*
cap. 4. illos nequidem prima tonsura
initiari volunt, *de quibus probabilis con-*
jectura non est, eos, ut DEO fidelem cultum
præsent, hoc vitæ genus elegisse. Hinc
quoque in *cap. 7. §. inferiora de Elect.*
cap. 14. Eod. in 6. cap. 1. de Etat. qua'it.
Statutum est, ut, qui dignitates, aut alia
beneficia consecuti sunt. Sacros Ordines
illis annexos sub amissionis pœna
recipiunt. Imo in *cap. 35. de Elect. in 6.*
decrevit Bonifacius VIII. ut ad Ecclesiæ
Parochiales promoti, si recipiendi Sacer-
dotium intentionem non habuerunt,
fructus ex illis provenientes non fa-

ciant suos, sed eos restituere tenean-
tur.

Tertium denique vocationis Divi-¹⁹
næ indicium, ut diximus, prodit se in
desiderio, quo quis flagrat, Ecclesia-
stica ministeria alacriter obeundi, in
DEI laudem, in Ecclesiae ædificationem,
in suam, aliorūque salutem? Hoc ze-
lo, qui accensus est, nullus dubitet,
qui ad statum, & vitam Clericalem à
DEO vocatus, & electus sit: Econtra,
qui in Clericatu dælitias & divitias
quærat, aut idèò huic vitæ se dedit, ut
vitam in otio, & quiete agat, tantum
abest, ut hunc à DEO vocatum esse
existimemus, ut potius in tali locum
habeat illa Davidis sententia *Psal. 72.*
In labore hominum non sunt, & cum ho-
minibus non flagellabuntur: ideo tenuit eos
superbia, operi sunt iniquitate, & im-
prietate sua. Sed hæc innuisse tantum
sufficiat. Plura de hoc argumento vi-
de apud S. Bernardum *Tract. de Vit. &*
morib. Cleric. per tot. Jam lubet aliqua
dubia, quæ circa secundum Divinæ vo-
cationis indicium, scilicet rectitudinem
intentionis moveri solent, resolvere.

Dubitabis I. An liceat v. g. alicui
nobili, ut obtineat Canonicatum in-
aliqua Ecclesia, tonsuram, aut minores
ordines recipere, sine intentione tam
in Clericatu permanendi, & DEO in
Ecclesia serviendi? Respondeo id non
licere, nec talem intentionem culpa va-
care. Colligo id ex Concil. Trident.
Seff. 23. de Reform. cap. 4. ubi prima tonsura
initiari prohibet eos, *de quibus proba-*
bilis conjectura non est, ut DEO fidelem
cultum præsent, hoc vitæ genus elegisse. Videtur enim tali modo Ecclesiæ illude-
re, & sic extra culpam non esse. Bar-
bos. *ad cit. loc. Concil. n. 7.* An verò hic
rea-

reatus culpæ gravis sit, num levis tan-
tum? in utramque partem disputatur,
ego in mihiorem partem inclino, quia
grave præjudicium Ecclesiæ per ejus-
modi inconstantiam non videtur inferri,
nec Clericalis ordinis dignitas multùm
dehonestari, imò, si sermo sit de tali,
quem fors parentum vota magis, quām
propria inclinatio Canonicatui destinâ-
runt, eum ab omni culpa immunem
fore crederem, quia non levitate animi
ductus Ordines minores recipit, sed
metu reverentiali concussus, qui subinde
intentionem non permanendi in Cle-
ricatu à pravitate purgare videtur.

²¹ Dubitabis II. An, qui beneficium
Parochiale obtinuit, nec tamen abso-
lutè, & simpliciter intendit recipere in-
tra Annum Sacerdotium, & in statu
Clericali perseverare, sed sub conditio-
ne hac vel simili: nisi frater meus sine
prole mascula decesserit, aut nisi opu-
lentum ad conservandam familiam, aut
ad extinquenda odia se offerat matrimo-
nium. An inquam talis, si conditio-
ne postea existente, matrimonium con-
trahat, peccet, & fructus interea per-
ceptos teneatur restituere? Respondeo
quo ad utrumque negativè. Imprimis
non peccat, quia hæc intentio condi-
tionata non est irrationalis, nec ab
Ecclesia reprobata, utpote, qui ex si-
milibus causis (ut ait P. Wiesner *b. t.*
num. 19.) factas beneficiorum renuncia-
tiones sine difficultate admittit, quod
iis non raro magna bona promoveantur.
Non tenetur etiam ad fructuum restitu-
tionem, quia hæc obligatio in *cap. 35.*
§. ceterum de Elect. in 6. iis duntaxat im-
posita est, in pœnam commissæ fraudis,
qui absolutè non intendebant recipere
Sacerdotium, & in statu Clericali per-

severare, ibi: *Teneris ad fructuum eo-
rum restitutionem, cùm eos receperis fra-
duleter.*

Nec dicas: Beneficium Parochiale
confertur sub hac conditione: Si intra
annum se in Sacerdotem promoveri fe-
cerit: ergo, qui hanc conditionem non
adimpleat, fructus tenetur restituere,
cùm isti non sint absolutè quæsti, sed
sub conditione recipiendi Ordinis sa-
cri. Respondeo, distingendo antece-
dens: Beneficium Parochiale confertur
sub hac conditione, si intra annum
recepit SS. Ordines, nec aliqua cau-
sa rationabili ab eorundem receptione
excusetur, concedo, si ex causa ratio-
nabili, eaque Ecclesiæ probata non re-
cepit, nego antecedens. Conditio
illa collationi beneficii à jure in eum
duntaxat finem est apposita, ne quid
fraudis à collatario admittatur: nam si
absolutè, prout jacet, hæc conditio in-
telligenda foret, Pontifex in *cit. cap. 35.*
restitutionem fructuum non restrinxif-
set ad eum tantummodo casum, quo col-
latarius *fructus recepit fraudulenter.*

Dubitabis III. An, qui accipiunt ²²
Prælaturam aut Canonicatum, neque
tamen intendunt suscipere SS. Ordines
eidem annexos, peccent mortaliter, &
ad fructuum restitutionem teneantur?
Respondeo, tales omnino peccare gra-
viter, esséque in Conscientia obstrictos
ad fructus perceptos Ecclesiæ restituendos.
Ratio primi membi assignatur
à Navarro de *Orat. cap. 21. n. 51.* quod
quisque curare debet, ut munus, quod
suscepit, exercere valeat. Ratio secun-
di membi petitur ex supra allegato
cap. 35. §. Ceterum de Elect. in 6. ubi de
beneficia Parochialia obtainentibus id
statutum legitur. Et licet hæc Consti-

tutio poenalis esse videatur; adeoque extra casus expressos non extendenda sit per cap. 15. & 49. de R. J. in 6. cap. 18. dist. 1. de Pœnit. quia tamen ratio in cit. cap. expressa etiam in praesenti hypothesi obtinet, scilicet *fraudulenta receptio fructuum*, eadem quoque obtinebit dispositio. Est equidem inter DD. communiter receptum, quod lex poenalis ad eum quoque casum extendatur, in quo eadem ratio legis reperitur. V. Panormit. in cap. fin. de Rescript. n. 10. & seq. Thom. Sanchez. de Matrim. lib. 3. disp. 42. n. 4. Imo, ut notat Garzias de Benefic. part. 3. cap. 4. n. 40. cit. cap. non est Constitutio nova, sed juris veteris Divini, & naturalis duntaxat declarativa, quo jure fraus omnis taliter prohibita est, ut exinde oriatur obligatio iustitiae ad restituendum, quod fraudulenter, adeoque sine titulo, & jure receptum est.

23. Dubitabis IV. An, qui beneficium eo animo acceptat, ut illud tamdiu retinere velit, quoad pinquius eidem obvenierit, aut, si non habeat animum residendi, peccet, & teneatur dimittere beneficium? Hoc dubium proponit.

Panormitanus in cap. 4. de Cleric. non resid. num. 7. Et sic resolvit: Malignam omnino esse ejusmodi intentiōnem, ait, & consequenter talem beneficiatum peccare, utpote, qui non minus suæ Ecclesiæ, cum qua quodammodo contrahit matrimonium spirituale, perpetuo cohabitare tenetur, atque maritus suæ uxori in matrimonio carnali per cap. fin. de Condit. apposit. & cap. 39. C. 7. Q. 1. & contentus suo beneficio esse debet, sicut maritus sua uxore; nam quisquis, ait Apostolus, debet esse contentus ea vocatione, qua vocatus est. Beneficium tamen propterea dimittere non tenetur, sed potest hoc peccatum ambitionis per pœnitentiam rursus eluere, instar illius, qui per simoniam mentalem beneficium obtinuit; taliter enim delinquens potest per solam pœnitentiam suo satisfacere Creatori, ut loquitur Pontifex in cap. ult. de Simon. Et hanc resolutionem notari vult Panormitanus, quia, inquit, in multis casibus practicari potest, maximè in juvenibus, qui assumunt beneficia, non quod habent animum clericandi, sed ut ex eis vivant in juventute.

§. III.

In quo vite, morumque honestas Clericis prescripta consistat?

S U M M A R I A.

24. Cur Clerici singulari morum honestate ornati esse debeant, ratio exponitur. 25. Ea est duplex interna, & externa. 26. Internam preprimis conciliat puritas Scientie. 27. Propterea olim etiam publicè pœnitentes ad SS. Ordines non admittebantur. 28. Interna mentis puritas etiam meditatione, & lectione SS. Scripturarum pascitur. 29. Externa morum honestas in tribus consistit. 30. Juventur Clerici à crapula, & ebrietate sibi caverre. 31. Vitare popinas, & tabernas publicas. 32. Ab bistrionum spectaculis abesse. 33. Aleas, & alios lusus, qui